

01.05.2015.



Bosansko-podrinjski kanton (BPK) iz godine u godinu bilježi kontinuirani rast industrijske proizvodnje i izvoza, piše portal "Dobre vijesti".

Najvećim dijelom na strana tržišta izvoze se metalški proizvodi i plastika. Partneri iz inostranstva sada su zainteresirani i za otkup poljoprivrednih i prehrambenih proizvoda.

Da BiH ima odlične uslove za uzgoj i preradu krompira prepoznao je i 76-godišnji biznismen Hilmija Hodović, koji je u okviru svoje firme "Eko-Plod" odlučio izgraditi fabriku pomfrita u prostorima bivše kasarne Hrenovica u mjestu Prača.

Hodović je izjavio da su ostvareni određeni kontakti sa austrijskim partnerima koji su obećali pomoći u izvozu pomfrita na austrijsko tržište.

– Naša firma već je uradila probnu proizvodnju 50 tona pomfrita, koji je sada uskladišten i bit će plasiran na tržište Kantona Sarajevo. Uskoro ćemo započeti sa redovnom proizvodnjom. Također, očekujemo rezultate i u proizvodnji malina. Napravili smo velike hladnjače koje mogu primiti više od 500 tona robe – kazao je Hodović.

Prema njegovim riječima, do kraja godine trebalo biti zaposleno oko 30 radnika direktno u proizvodnji i angažovano 150 kooperanata u proizvodnji maline i krompira.

Inače, Hodović je u fabriku investirao oko 4 mil KM, odnosno u adaptaciju bivše kasarne u Hrenovici na području općine Pale u Federaciji.

Hodović je svojevremeno kazao medijima da je osnovni motiv osnivanja fabrike bio pomoć povratnicima u manjem bh. entitetu RS. Kapacitet fabrike trebao bi iznositi oko 50 tona mjesečno, što bi je učinilo jednom od najvećih fabrika pomfrita na prostoru bivše Jugoslavije, piše portal " [Dobre vijesti](#)".

Izvor:www.ekapijacom